

lich außführen / daß ihm Ehre gegeben
werde. Wahrheit wird wol gedrucket/
aber nicht vntergedrucket.

Zum 3. Oslander wil ihm selbst ei-
nen grossen Namen vnd Ansehen ma-
chen / Lob vnd Ehre erjagen. Der biß-
her berühmte Johann Arndt sol nichts
seyn / sol ein Ketzer / Schwarmgeist / Ver-
führer / Gottes Lasterer / ein Teuffels
Diener seyn / auff das Oslander für der
Welt der edleste vnd beste Lehrer sey / vnd
von jederman hoch geachtet vnd geehret
werde. Daher saget er auch am Ende:
Weil ja etliche vermeynen möch-
ten / es were dennoch eine Form
eines einfältigen Christenthums
zuverfassen / so bin JCH bedacht
ein recht Christlich / einfältiges
Christenthum kurtzlich zubegreif-
fen. Johan Arndt ist ihm viel zugerung /
daß er ein wahres Christenthum sol be-
schreiben. Wie sol der einfältige vnd vn-
ansehenliche Johann Arndt lehren vnd
weisen was gut ist? Es muß ein ander
Mann sein / Oslander muß es thun /
auff welchen hinfort alle Augen
sehen

NB.